

INVITAZIUN

ad ena occurrenza d'infurmaziun digl cumegn da Surses
venderde, igls 7 da zarcladour 2019, allas 20.00
an sala polivalenta a Salouf

Stimadas abitantas, stimos abitants
Stimadas possessouras e stimos possessours da proprietad funsila

Sen ordinaziun digl Uffezi per la nateira e gl'ambiant digl cantun Grischun (UNA) on tot igls cumegns aint igl Grischun da determinar igl spazi d'avas. Chegl è da succeder aint igl rom d'ena planisaziun d'utilisaziun.

Igl cumegn da Surses è elaboro ossa igls meds da planisaziun an connex cun la determinaziun digl spazi d'avas. La realisaziun dalla determinaziun digl spazi d'avas è consequenzas p.ex. per possessours/As da taragn da biagier sper avas e per l'agricultura.

Avant d'instradar la procedura dall'exposiziun da cooperaziun publica vot la suprastanza infurmar la populaziun e las persungas cun proprietad funsila an cumegn davart la revisiun parziala dalla planisaziun locala "Determinaziun digl spazi d'avas". I na vignan pigleidas nignas decisiuns chella seira!

L'infurmaziun vign organisada scu suonda:

1. Bavagnaint ed introducziun
2. Preschentaziun dalla revisiun parziala dalla planisaziun locala "Determinaziun digl spazi d'avas"
3. Discussiun
4. Infurmaziun davart igl ulterior proceder

Aveis

All'occurrenza d'infurmaziun èn anvidos sper igls abitants e las abitantas er tot las persungas cun proprietad funsila an noss cumegn. Ord chest muteiv vign l'infurmaziun manada excepziunalmaintg per tudestg.

Las actas na vignan betg publitgeidas ordavant, mabagn preschentadas pir a caschung dall'occurrenza d'infurmaziun.

La suprastanza spera sen numerosa participaziun.

Tinizong, igls 23 da matg 2019

SUPRATANZA COMMUNALA SURSES